



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ილარიონ სამთავნელი

ილარიონ სამთავნელი (ვ ა ჩ ე ყ ა ნ ჩ ა ე ლ ი ს ძ ე), სამთავისის ეპისკოპოსი. ცხოვრობდა XI ს-ში. მის სახელთან არის დაკავშირებული სამთავისის კათედრალისა (1030) და აშურიანის ეკლესიის (1032) აგება. აშურიანის ეკლესიის ერთ-ერთ წარწერაში ნათქვამია, რომ ი. ს. თავად ყოფილა მშენებელი ოსტატი. იგი მოხსენიებულია აგრეთვე სამთავისის ტაძრის აღმ. ფასადის წარწერაში.

სამთავისის ტაძარს თავისი მხატვრული ღირსებითა და ისტ. მნიშვნელობით დიდი წილი უდევს. შუა საუკუნეების ქართ. ხუროთმოძღვრების განვითარებაში. მისი მშენებელი მომნიჭებული ოსტატი და გაბედული შემოქმედი ჩანს. შენობის ფასადთა რთული დინამიკური კომპოზიცია, გემოვნებით შერჩეული შესამოსი ქვის ფერები, შენობის პროპორციები ხუროთმოძღვრის მაღალი ოსტატობის მაჩვენებელია.

ი. ს-ის მიერ შემოტანილი დეკორ. სისტემა ფართოდ გავრცელდა და XIII ს. I ნახევრამდე იარსება.

ლიტ.: ბ ე რ ი ძ ე ვ., ძველი ქართველი ოსტატები, თბ., 1967; ს ო ხ ა შ ვ ი ლ ი გ., სამთავისი, თბ., 1973.

**ვ. ბერიძე**

---